

Melayu atau di luar Asia Tenggara, mereka ini berkampung halaman di kawasan *al Kab Raksu al Rajau al Soleh* atau dikenali sebagai Capetown di Afrika Selatan.

Sejak tahun-tahun kebelakangan ini mereka mula kerap membuat pengembaraan ke tanah suci untuk mengerjakan ibadat haji dan umrah. Mereka berasal dari keturunan Melayu. Mereka telah dibawa ke kawasan Capetown oleh penjajah Belanda. Mereka juga turut menukarkan bahasa asal mereka kepada bahasa Belanda ala Capetown di samping mempertahankan beberapa patah perkataan Melayu.

Oleh kerana mereka berasal dari keturunan Jawa. Pihak berkenaan di Mekah telah menyediakan seorang pemandu haji berbangsa Jawa khas untuk mereka. (Pemandu haji ini dalam bahasa Arab dipanggil *al Mutawwif*).

Memandangkan mereka ini daripada golongan berada, mereka mendapat layanan istimewa dan perhatian yang lebih besar berbanding ahli komuniti Melayu lain.

Beberapa orang ulama Turki dan Mekah yang mengembara ke kawasan Afsalam moden telah berjaya menukarkan mazhab mereka daripada mazhab Syafie kepada mazhab Hanafi. Para ulama tersebut juga turut menghidupkan di negeri tersebut tradisi Islam yang hampir-hampir dilupai. Inilah sebabnya kenapa usaha ini dianggap seolah-olah seperti satu kelahiran baru bagi agama Islam di kawasan tersebut.

Di Constantinople pula pihak berkuasa telah memberi galakan supaya dicetak beberapa buah kitab syariat Islam dalam bahasa Belanda yang lazim di kawasan Capetown dengan menggunakan huruf Arab. Ini menunjukkan umat Islam di sana (Constantinople) berhubungan rapat dengan saudara-saudara baru di bahagian selatan dari Afrika ini. Hal ini telah dianggap satu kejayaan besar bagi gerakan Islam.

SEBAB-SEBAB PENGHIJRAHAN ORANG MELAYU KE MEKAH

MENUNTUT ILMU AGAMA

Menurut Profesor Ahmad al Siba^{ie} dalam bukunya "*Takrih Makkah*" (atau Pensejarahan Mekah) bahawa penghijrahan orang Melayu ke Mekah adalah bermotifkan menuntut ilmu. Di dalam bukunya ini beliau ada mengatakan "Manakala bangsa India dan bangsa Jawa mereka jauh terlewat berhijrah ke negeri ini berbanding bangsa-bangsa lain. Pada zaman-zaman lampau jarang terdapat di Mekah sesebuah keluarga berjiran dari India atau Jawa, kerana jarak antara negeri-negeri mereka dengan negeri ini tersangat jauh, khususnya sebelum penggunaan kapal

Mereka ini dengan cepat dapat menyerapi masyarakat Mekah dengan segala tradisinya. Sebaik sahaja sekolah dan institusi pengajian di sana tersebar luas dan segala ilmu dan pengetahuan berkembang maju mereka turut berkecimpung secara aktif dalam bidang pendidikan ini.

Pada masa kini, mereka boleh dilihat bekerja sebagai penjawat awam di mana-mana pejabat atau jabatan kerajaan Saudi Arabia. Malah, jarang terdapat sesebuah jabatan kerajaan di sana tanpa mereka. Sekurang-kurangnya akan terdapat juga seorang atau dua dari mereka yang menjadi kakitangan sesebuah jabatan kerajaan.

Sebaik sahaja pendidikan berkembang dan bertambah maju kerajaan Saudi Arabia mula menghantar para pelajarnya ke luar negara untuk melanjutkan pelajaran di peringkat siswazah. Kebanyakan dari para pelajar tersebut terdiri dari anak-anak komuniti Jawa. Mereka pulang setalah berbekal dengan ilmu pengetahuan dan kepakaran untuk memegang beberapa jawatan dan kerjaya yang berprestij di negara tersebut.

Mereka berjaya kerana mereka mempraktikkan pepatah yang berbunyi : "Sesiapa juga yang berusaha dia pasti dapat".

Ada satu lagi fenomena yang memperlihatkan peri pentingnya komuniti Melayu di Mekah iaitu banyaknya hasil karya yang telah ditulis oleh para ulama Jawa, yang dicetak di Mekah dan di luar Mekah, seperti di Istanbul dan Kahirah.

Hal ini jelas apabila para ulama komuniti Melayu berjaya mempengaruhi dengan mendalam penduduk Tenggara Asia. Keadaan ini telah mendorong ramai penduduk rantau ini memeluk agama Islam dan berakhlak secara Islam.

Berdasarkan fakta-fakta yang lepas sukacita penulis membentangkan tajuk ini untuk perbincangan bagi memperkenalkan komuniti Jawa di Mekah al Mukarramah dan motif-motif penghijrahan mereka ke tanah suci ini. Pada akhir artikel ini penulis juga mengemukakan beberapa orang ulama mereka yang termasyhur.

TAKRIF KOMUNITI JAWA DI MEKAH

Termasuk di bawah nama Jawa di Semenanjung Arab, semua bangsa yang berasal dari rumpun Melayu dalam bentuk yang paling luas yang melibatkan negeri-negeri bermula daripada Siam sehingga ke Melaka dan Nouvelle-Guinee. Istilah ini digunakan kepada Muslim dan non Muslim, tetapi non-Muslim biasanya dipanggil hamba. Terdapat di sana satu puak Jawa yang tinggal di luar sempadan rantau dan geografi dunia

Melayu atau di luar Asia Tenggara, mereka ini berkampung halaman di kawasan *al Kab Raksu al Rajau al Soleh* atau dikenali sebagai Capetown di Afrika Selatan.

Sejak tahun-tahun kebelakangan ini mereka mula kerap membuat pengembaraan ke tanah suci untuk mengerjakan ibadat haji dan umrah. Mereka berasal dari keturunan Melayu. Mereka telah dibawa ke kawasan Capetown oleh penjajah Belanda. Mereka juga turut menukarkan bahasa asal mereka kepada bahasa Belanda ala Capetown di samping mempertahankan beberapa patah perkataan Melayu.

Oleh kerana mereka berasal dari keturunan Jawa. Pihak berkenaan di Mekah telah menyediakan seorang pemandu haji berbangsa Jawa khas untuk mereka. (Pemandu haji ini dalam bahasa Arab dipanggil *al Mutawwif*).

Memandangkan mereka ini daripada golongan berada, mereka mendapat layanan istimewa dan perhatian yang lebih besar berbanding ahli komuniti Melayu lain.

Beberapa orang ulama Turki dan Mekah yang mengembara ke kawasan Afsalam moden telah berjaya menukarkan mazhab mereka daripada mazhab Syafie kepada mazhab Hanafi. Para ulama tersebut juga turut menghidupkan di negeri tersebut tradisi Islam yang hampir-hampir dilupai. Inilah sebabnya kenapa usaha ini dianggap seolah-olah seperti satu kelahiran baru bagi agama Islam di kawasan tersebut.

Di Constantinople pula pihak berkuasa telah memberi galakan supaya dicetak beberapa buah kitab syariat Islam dalam bahasa Belanda yang lazim di kawasan Capetown dengan menggunakan huruf Arab. Ini menunjukkan umat Islam di sana (Constantinople) berhubungan rapat dengan saudara-saudara baru di bahagian selatan dari Afrika ini. Hal ini telah dianggap satu kejayaan besar bagi gerakan Islam.

SEBAB-SEBAB PENGHIJRAHAN ORANG MELAYU KE MEKAH

MENUNTUT ILMU AGAMA

Menurut Profesor Ahmad al Siba^{ie} dalam bukunya "*Takrih Makkah*" (atau Pensejarahan Mekah) bahawa penghijrahan orang Melayu ke Mekah adalah bermotifkan menuntut ilmu. Di dalam bukunya ini beliau ada mengatakan "Manakala bangsa India dan bangsa Jawa mereka jauh terlewat berhijrah ke negeri ini berbanding bangsa-bangsa lain. Pada zaman-zaman lampau jarang terdapat di Mekah sesebuah keluarga berjiran dari India atau Jawa, kerana jarak antara negeri-negeri mereka dengan negeri ini tersangat jauh, khususnya sebelum penggunaan kapal

laut (yang mengguna arang dan kuasa wap) dalam perhubungan. Tetapi apabila mereka mula berhijrah ke Mekah dengan cepat bilangan mereka mengatasi bilangan komuniti-komuniti lain. Saya kira penghijrahan bangsa India tidak seperti halnya penghijrahan bangsa Jawa adalah bermotifkan aktiviti perdagangan. Ini adalah kerana bangsa Jawa yang berhijrah mereka berkampung di Mekah untuk menuntut ilmu. Ramai daripada mereka telah muncul sebagai ulama yang disanjung tinggi dan disegani. Antara keluarga-keluarga Jawa yang paling termasyhur adalah keluarga Batawi, keluarga Sambawa, keluarga Zeini, keluarga Mengkabau, Gasti, Pontianak, Bugis, Lampung, Samas dan Fatani “

Pendapat ini disokong oleh pandangan seorang lagi sarjana, iaitu Profesor Mohamed Umar Rafie di mana beliau mengatakan dalam bukunya “*Makkah fi al Qarni al Rabie ‘Asyar al Hijri*” (atau Mekah dalam abad 14 Hijrah)“. Antara komuniti-komuniti imigran tersebut adalah Indonesia, Malaysia dan Siam. Tempat-tempat tersebut semuanya dipanggil oleh penduduk Mekah dengan panggilan Jawa atau Jawi tanpa ras-ras mereka dibeza-bezakan. Mereka itu baru sahaja mencurah-curah datang berbanding dengan bangsa-bangsa lain. Saya kira bahawa mereka itu mula berhijrah secara beramai-ramai hanya selepas dua puluhan atau selepas tiga puluhan dari abad ini. Tidak seperti bangsa-bangsa lain yang disebut terdahulu, mereka berhijrah bukan kerana hendak menetap di sana sebaliknya untuk menuntut ilmu dan menimba sebanyak mungkin ilmu agama sebagai bekalan dan pulang selepas itu ke negara asal mereka. Tetapi ini tidak bermakna bahawa beberapa buah keluarga dari rantau tersebut langsung tidak pernah berhijrah sebelum ini. Malah beberapa buah keluarga pernah menetap di sini sejak zaman yang bukan singkat. Dari itu, lahirlah pula beberapa orang ulama daripada kalangan mereka yang ahli dalam mengajar dan mendidik para pelajar yang datang ke Mekah.

MENGERJAKAN IBADAT HAJI

Umat Melayu tertambat kepada dunia Arab dengan tali keagamaan dan persaudaraan yang mendalam. Kerana inilah mereka mencurah-curah datang ke tanah suci ini untuk mengerjakan ibadat haji.

Mereka yang datang pada awal abad 14 Hijrah tidaklah seramai jumlah mereka yang datang pada pertengahan dan akhir abad tersebut. Tetapi jumlah yang datang bagi mengerjakan haji dari kalangan bangsa Jawa ini semakin bertambah dari setahun ke setahun.

Pada awal abad ini mereka yang datang mengerjakan haji tidak melebihi lapan atau sembilan ribu orang, tetapi jumlah jamaah haji Jawa

yang paling ramai adalah pada tahun 1332 Hijrah di mana menjangkau 30 ribu orang.

Tetapi pada tahun yang sama dan pada awal bulan Ramadan bersamaan bulan Julai 1914, perang dunia pertama meletus. Keadaan ini memaksa negara-negara yang menjajah negeri-negeri tersebut membawa sejumlah kapal laut serta mengumumkan bahawa mereka bersedia membawa pulang semua rakyat negara-negara yang dijajah itu, sama ada yang datang untuk haji pada tahun itu atau yang datang sebelum itu. Natijah dari pengumuman tersebut ramai dari mereka keluar untuk pulang ke tanah air mereka. Cuma ada juga di antara mereka yang bertekad untuk tinggal di sana dan bilangan mereka yang memutuskan untuk tinggal di sana adalah kecil.

Apabila keadaan pulih selepas tamatnya perang dunia pertama mereka yang menetap di sana tidak lagi meminggiri masyarakat Saudi, malah mereka berjaya menyerapi masyarakat tersebut dengan segala tradisinya. Ini adalah kerana kerajaan Arab Saudi tidak memandang mereka sebagai masyarakat kelas dua. Malah generasi baru dari komuniti ini kini sudah mula mengamalkan perkahwinan campur yang menambahkan lagi asimilasi mereka dalam masyarakat Mekah.

Seperti Rakyat Saudi berbangsa Arab juga, mereka boleh memegang jawatan-jawatan terpenting dan menjalankan perniagaan mereka sendiri dengan bebas.

Kerajaan Saudi yang mengamalkan prinsip kesamarataan, seperti yang dituntut dalam Islam turut menggalakkan rakyatnya tanpa mengira bangsa dan warna kulit untuk mengejar ilmu pengetahuan hingga ke peringkat siswazah di luar negara, Komuniti Melayu tidak melepaskan peluang ini dan berusaha bersungguh-sungguh dalam bidang pendidikan sehingga mereka berjaya sampai ke menara gading di luar negara. Dengan itu, tidak hairanlah ramai dari ahli komuniti Jawa ini didapati memegang jawatan-jawatan sensitif dalam jentera pentadbiran kerajaan Saudi Arabia.

LARI DARI HURU-HARA PEPERANGAN

Pada abad kelapan belas Masihi dan yang berikutnya banyak buah negara Islam telah menjadi mangsa negara-negara penjajah. Pada era ini Empayar Othmaniyyah menjadi lemah. Hal ini telah mempengaruhi pertambahan penduduk Mekah, di mana kebanyakan negara Islam telah dikuasai oleh kuasa-kuasa besar penjajah, seperti Inggeris, Perancis dan Belanda.

Kebanyakan negara Islam tertekan dengan begitu dahsyat. Peperangan dan kekacauan menjadi-jadi. Dari itu, ramai umat Islam lari dari negeri mereka dengan membawa agama mereka bersama menuju ke Mekah, Madinah dan Jeddah. Ini adalah kerana bumi Mekah terselamat dari tekanan bangsa Eropah dan penduduknya pula bebas mengamalkan hukum-hakam agama mereka.

Apabila keadaan bertambah buruk di India, Afghanistan dan Jawa mereka semakin mencurah-curah masuk ke dalam negara ini dan semua puak mengambil kawasan masing-masing dengan nama-nama mereka dari beberapa bahagian bumi Mekah, Madinah dan Jeddah.

Komuniti tersebut turut membawa adat resam dan tradisi masing-masing malah sebahagian besar perusahaan mereka. Dengan itu Mekah telah memanfaatkan adunan tersebut. Tetapi pada waktu yang sama imej Mekah turut terancam dan terjejas dengan adat, perangai dan bahasa komuniti-komuniti tersebut.

Dengan lain perkataan, bolehlah kita katakan bahawa kelompok berbagai bangsa ini telah mempengaruhi pembentukan Mekah sehingga apabila corak tersebut mantap ia dapat mewarnakan kesemua penghuni dan jiran dengan corak yang sama yang kesannya kelihatan jelas pada tradisi, adat resam, bahasa dan cara hidup mereka.

Jika penghijrahan terhenti setakat itu sahaja pada era tersebut dan tidak berterusan hingga zaman selepasnya tentulah orang ramai lupa bahawa ada antara mereka bangsa Mesir, bangsa India atau bangsa Jawa. Tetapi dengan kerancangan penghijrahan yang berlanjutan ia terus mengingatkan setiap komuniti tentang asal-usul mereka dan mereka semua disatukan dengan bangsa-bangsa lain yang mendatang.

ULAMA-ULAMA KOMUNITI MELAYU DI MEKAH

Terdapat juga beberapa orang ulama yang termasyhur yang bukan berbangsa Melayu, tetapi mereka semua hidup berjiran, seperti ulama-ulama dari Mesir, Maghribi dan ulama-ulama berbangsa Syanqiti dan Takruni. Malah terdapat juga beberapa orang ulama terkenal dari India dan Sind (Pakistan). Kebanyakan mereka belajar di Mekah kemudian mengambil beberapa orang penuntut untuk dididik dan diajar di masjid atau di rumah masing-masing.

Di antara guru-guru yang paling termasyhur dari komuniti Jawa ini : Ahmad Khatib Sanbas, Ismail Mengkabau, Ahmad Jawi, Marzukhi al Jawi, Muhammad Azhari, Abdullah Muhammad Azhari, Muhammad Shazali, Nawawi Khalidi, Nor Fatani, Muhammad Sembawa dan ramai

lagi yang telah memainkan peranan yang ketara dalam mendidik anak-anak komuniti Melayu ini di kota suci Mekah.

RUJUKAN

- Al Siba^{ie}, Ahmad. 1979/1399. *Takrih Makkah : Dirasatun Fi al Siasati wa al ^{ie}ilmi wa al Ijtima^{ie} wa al ^{ie}mrani* . Daru Makkah li al Tiba^{ie}ati wa al Nasyri wa al Tawz^{ie}ie . Cetakan 4. Juzuk 1. Hlm. 570.
- Mahmud al Siryani, Dr. Muhammad & Nawab Mirza, Dr. Mie^{ie}raj. 1999/1419. Karya Terjemahan "*Sofahat Min Tarikh Makkah*". Semakan Dr. Muhammad Ibrahim Ali, Riyadh: Daratu al Malik Abdul Aziz.
- Rafie^{ie}, Muhammad Umar. 1981/1401. *Makkah Fi al Qarni al Rabie^{ie} ^{ie}Asyar al Hijri* " Daru Makkah li al Tiba^{ie}ati wa al Nasyri wa al Tawzei^{ie}. cetakan 1. Hlm. 165.

Jabatan Pengajian Dakwah & Kepimpinan
Fakulti Pengajian Islam
Universiti Kebangsaan Malaysia
43600 UKM, Bangi Selangor, Malaysia.
e-mail: jpdk@ukm.my